



Oddeyrarskóli Árshátíðartengja



6. tölublað
skólaárið
2012-2013
Janúar 2013 (2)

Árshátíð framundan !

Kæru nemendur/foreldrar/forráðamenn!

Nú styttest óðum í árshátíð nemenda, en hún verður dagana 25. og 26. janúar. Nemendur æfa nú af fullum krafti. Við fáum mjög jákvæðar fréttir af æfingum nemenda. Þeir eru jákvæðir og standa sig afar vel við æfingarnar.

Á föstudag var sviðið sett upp í íþróttasalnum og því verða íþróttir ekki með hefðbundnu sniði í næstu

viku. Því þurfa nemendur ekki að koma með íþróttaföt þessa viku.



Föstudaginn 25. janúar verða nemendasýningar.

Föstudagur 25. janúar

Nemendur mæta allir í heimastofur sínar á venjulegum tíma, þ.e. 8 eða 8:15. Þá hefst undirbúningur sýninga og kl. 9:00 mæta allir nemendur á sal. Þá sýna bekkir með oddatölum sín atriði.

Að því loknu fara allir nemendur í stofur, borða nesti og teygja úr sér.

Þennan dag má koma með safu og sætabrauð til hátíðarbrigða (ath. ekki gos eða sælgæti).

Eftir nesti fara allir nemendur aftur í sal og þá sýna þeir bekkir sem eiga eftir sín atriði.

Eftir frágang og lokaundirbúning fyrir laugardagssýningarnar er hádegismatur.

Skóladegi lýkur á sama tíma og venja er á föstudögum.

Árshátíðarsýningar laugardaginn 26. janúar verða með eftirfarandi hætti:

Kl. 13:00 sýna 1., 3., 5., 7., 9. og 10. bekkur.

Kl. 16:00 sýna 10., 2., 4., 6. og 8. bekkur.

Miðasala og verð:

Forsala á sýningarnar verður hjá Kristínu ritara á miðvikudag, fimmtudag og föstudag.

Í forsölu kostar hver miði 400 krónur en á sýningardag (laugardag) kosta allir miðar 500 krónur. Krakkar á grunnskólaaldri greiða inn á sýninguna en frítt er fyrir börn undir 6 ára.

Fólk sem á börn á báðum sýningum getur látið vita í miðasölu og fá þá annan miða fyrir seinni sýninguna án endurgjalds.

Laugardagur 26. janúar

Á laugardegi eru sýningar fyrir fjölskyldur nemenda.

Aðsókn hefur alltaf verið góð og salurinn fullsetinn. Til að sem flestir geti fengið sæti hafa nemendur ekki verið á sýningum á laugardegi, heldur hafa verið með kennurum sínum í stofum á meðan sýningu stendur. Við biðjum foreldra um að virða þessa reglu vegna þrengsla og til þess að ráp verði sem minnst á sýningartíma.

Reynslan hefur sýnt að nær alltaf er rýmra á seinni sýningu og því biðjum við þá sem eiga valkost um sýningu (foreldra nemenda í 10. bekk) að koma frekar á þá seinni.

Foreldrar yngstu barnanna sækja síðan börnin sín í stofurnar að sýningum loknum, svo að allir komist í kaffi eða geti fylgst að heim á leið. Börnin eru á ábyrgð foreldra sinna í kaffihléi og eftir sýningar.

Árshátíðarball

Árshátíðarball verður fyrir unglingadeild laugardagskvöldið 26. janúar.

Ballíð hefst kl. 20:30 og stendur til 23:30. Foreldrar nemenda í 10. bekk og kennarar frá skólanum annast gæslu og skipulag.

Aðgangseyrir er 800 krónur.



Mæting nemenda á laugardag — frí á mánudag

Nemendur mæta í heimastofur sínar á laugardag nema nemendur 2. og 4. bekkjar, sem þurfa að færa sig um set þar sem þeirra stofur eru í notkun vegna kaffisölu. Þeir nemendur sem eru í upphafi sýninga þurfa að vera mættir í stofu hálf tíma fyrir sýningu og allir þurfa að vera mættir í stofu 15 mínútum áður en sýning hefst (nánari boð um þetta koma frá kennurum hvers bekkjar).

Skipulagið er þannig:

Fyrri sýning kl. 13:00	Seinni sýning kl. 16:00
1. b. heimastofa	2. b. verður í 3. bekkjar stofu
3. b. heimastofa	4. b. verður í 1. bekkjar stofu
5. b. heimastofa	6. b. heimastofa
7. b. heimastofa	8. b. heimastofa
9. b. heimastofa	
10. b. heimastofa	

Á árshátíðardaginn á laugardag er **skyldumæting** nemenda. Í stað hans er **frí mánudaginn 28. janúar**. Frístund er opin fyrir þá nem. 1.-4. b. sem hafa skráð sig þar. Kennsla er svo samkvæmt stundarskrá á þriðjudag.

Kaffisala foreldrafélagsins

Eins og áður munu foreldrar bjóða upp á glæsilegt kaffihlaðborð sýningardaginn 26. janúar.

Hægt er að kaupa kaffi og kökur á milli kl. 14:00 og 16:00.



Verð er 600 krónur fyrir fullorðna og 400 krónur fyrir börn á skólaaldri. Frítt er fyrir börn yngri en 6 ára.



Foreldrum er bent á að mjög gott væri að fá kökur í hús milli 11:00 og 12:00, en fulltrúar foreldrafélagsins verða í skólanum og taka á móti bakkelsi í heimilisfræðistofu.

Við minnum á nauðsyn þess að merkja brauðföt og kanna hvort hægt sé að fara með þau heim samdægurs, annars að vitja þeirra sem fyrst í heimilisfræðistofuna.

Við hlökkum til að sjá ykkur sem flest á árshátíð!
Bestu kveðjur frá nemendum og starfsfólki Oddeyarskóla.